

ETA-ren etenaldiaren
amaiera

ETA-K «BELDURRAGATIK» EZ DIOLA BAKE BIDEARI HELDU USTE DUTE BARNE MINISTROAK ETA BARNE SAILBURUAK

Alderdien portaera goraipatu du Mayorrek «zatiketa arriskua» gainditu dutelako

Jaime Mayor Oreja eta Juan Maria Atutxa bat etorri ziren ETAk ekintza armatuen etenaldiaren amaiera berretsi izana baloratzeko orduan. Biek «beldurrari» egotzi zioten erabakia, eta Ajuria Eneko alderdien jarrera goraipatu zuten, «modu bateratuan jokatu» dutelako.

Agentziak / Madril-Gasteiz


MAYOR OREJA Barne ministroa atzo goizean bertan mintzatu zen, ETAk astebetez eginiko ekintza armatuen etenaldiaren amaiera berretsi ostean. El Escorialgo udako ikastaroetan hitzaldia eman aurretik kazetariari eginiko adierazpenetan Mayor Orejak «ETAK Euskal Herriaren baketzeari izua» diola adierazi zuen, eta horregatik, astebeteko ekintza armatuen etenaldiari amaiera emateak ez duela harritu azaldu zuen.

Mayor Orejarentzat aste honetako gauzarik positiboena «alderdi politiko demokratikoen jokiera» izan da, «politikoki zailtasun handiak zituen aste bat gainditzeko jakin dugulako». Barne ministroaren ustez, ETAk ekintza armatuak etengo zituela esanez kaleratutako agiriak «enfrentamendua eta zatiketa arriskua» eragin zezakeen, aurreikusita genduen eszenatoki konplikatuenetako bat ETaren su-eten batek sorturikoa baitzen, baina alderdi demokratikoen erantzuna primerakoa izan da.

Ildo horretan bi aldeen arteko jarrerak kontrajarriak izan direla uste du. «ETAK Euskal Herriaren baketzeari izua diola azaldu du, etorkizuna planteatzearen beldur dela argi utzi du. Alderdi demokratikook, aldiz, elkarrekin baketzeari ezartzen zaion edozein oztopo gainditzeko gai garela erakutsi dugu». Mayor Orejak adierazitakoaren arabera, aste honetan ez da ez elkarriketarik ez negoziatorik izan, eta «soilik alderdien batuketa, elkarriketa eta batasuna egon denez, animo eta esperantzatik baino ezin dut hitz egin» azaldu zuen. Mayor Orejaren aburuz ETaren helburua zatiketa eragitea zen, «agiri oso nazionalista bat eginez alderdi politiko nazionalistak zatitzea lortuko zutela uste baitzuten».

Ekintza armatuen etetea iragartzeko ETAK izan zuen arrazoia aipatzerakoan, deportatuen auziarekin lotu zuen. «Propaganda lortu nahian eginiko deportatuen operazioak porrot egin zuen. Orduan zenbait pertsonak, batzuek borondate onez eta beste batzuek ez hain onez, geldirik ez egotea beharrezko zela adierazi zuten, eta erantzun taktiko bat planteatu zuten».

Azkenik, Mayor Orejak esan zuen ETaren erabakiak ez duela presoak hurbiltzeko politikan eraginik izango, «presoak ez baitira merkantzia, eta beraiekin



Jaime Mayor Oreja Espainiako Barne ministroak azken astearen balantzea egin zuen atzo.

OLALDE

ezin baita operazio politikorik egin».

Bestetik, Angel Acebes PPko koordinatzaile nagusiak Jose Maria Aznarrek PPren Komisio Iraunkorrean esandakoak azaldu zituen. Acebesek adierazi

duenez, Aznarrek argi utzi du «ez dela ETArekin inolako kontakturik izan eta Gobernutik kontaktu guztiak modu erradikal eta osoan itxi direla».

Juan Maria Atutxa bat etorri zen balorazioaren zenbait pun-

tutan Mayor Orejarekin. Barne sailburuak «ETA baketze bidean sartzearen beldur» dela adierazi zuen. Atutxaren hitzetan, «ETAK badaki bake bidean sartzen bada babesa ematen diotenen, preso eta Justiziatik ihesi daude-

nen artean sakabanaketa gertatu litzatekeela; ia ezer ez izatearen beldur da, eta bere ideologiaren defentsa lur jota gertatzeak izutzen du. Horregatik beldurra da bere kideak estu mantentzeko arrazoia».

ETAK atzo kaleratutako agiriak «jende askorentzat desilusia» izan dela onartu bazuen ere, «demokrata, gizarteak, inoiz ezin dugu seriotasuna galdu, ezta tinkotasuna ere». Bestetik, ETaren agiriari emandako erantzuna goraipatu zuen. «ETAK erantzun tinko eta argia jaso zuen gizartearen gehiengoa ordezkatzeko duen Ajuria Eneko Itunetik, eta talde terroristari eta bere estrategia zehazten dutenei elkarriketaren aldeko aurrerapauso bat emateko eskatu zitzaizen». Atutxak aste honetan egin diren esfortsuek «nahi adinako fruiturik ez» dutela eman adierazi zuen, baina «egunen batean fruituak emango» dituztela uste du.

ETAK hartutako erabakia ez da harrigarria izan Barne sailburuarentzat, izan ere «Egin-ek markatu bidea aztertu dugu, eta honek ETAK atzo eman zuen erantzunera generamatzala ikusi dugu. Izan ere, Egin ez baitabil bakarrik bere irizpideekin, beste aginduek ere jasotzen ditu». X

Jauregi: «Erantzukizuna ETaren hegatsen uzteko gai izan gara»

«EUSKAL HERRIAN bi den ezkortasunak eta kezka jarrai dezan arrazoiak daukela baietsi da, alde bat erotuta eta suminduta dagoelako, eta erabat faxista delako», iritzi zion Ramon Jauregi PSE-EEko idazkari nagusiak ETaren atzoko agiriari buruz galdetu ziotenean. ETAKo buruzagitzak ez duela bake borondatek adierazi zuen Ramon Jauregik, eta atentatuen etenaren iragarpena egiteko kaleratu zuen agiriak eta atzokoak «egun be-

rean idatziak» diruditelako gaineratu zuen PSE-EEkoak.

«ETAK muzin egin dio Ajuria Eneko Mahaiaren elkarriketa eskaintzari, eta su-eten mugimendu taktikoa besterik ez zela ikusi da, seriotasunik eta zintotasunik gabea», adierazi zuen RNE (Radio Nacional de España) irratiari eginiko elkarriketan. «Baina guk batasunari eutsi diogu eta garbi utzi dugu erantzukizuna terroristena bakarrik dela».

Ramon Jauregiren

ustez atentatuen erantzukizun osoa «ETaren hegatsen kokatzea» lortu du Ajuria Eneko Itunak. «Mezu horretan sakondu behar da aurretik, eta agerian utzi indarkeriatik gertu dauden kontradizioak, barruan (ETAn) ez dagoela benetako borondatek», esan zuen Jauregik.

ETaren kontra diseinatutako estrategiari bere horretan eutsi behar zaiola iritzi zion buruzagi sozialistak, baita euskal presoek dagokienez ere. Eta po-

litika horren lehenengo oinarria, alderdi politikoen arteko batasuna dela esan zuen.

Carlos Iturgaitzek ere ETAK «aukera baztertu» duela uste du. EAeko PPko idazkari nagusiaren hitzetan «ETAK bere esku zuen Ajuria Eneko Itunaren 10. puntura iristea (hau da, biolentziaren amaiera elkarriketatuaz eartzen duena), baina egin duen bakarra aukera baztertea izan da, eta biolentziaren alde eginiko apustua baieztatzea», adierazi zuen. X